



Broj: 02-05-1343/17  
Lukavac, 31.07.2017.godine

Na osnovu člana 69. stav (2). tačka d), člana 25., člana 70. stavovi (1), (4) i (6) Zakona o javnim nabavkama („Službeni glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015.godine, na Preporuku Komisije za provođenje postupka javne nabavke broj: 02-05-1343/17 od 28.07.2017.godine u otvorenom postupku za nabavku radova na održavanju putne infrastrukture na području općine Lukavac, općinski Načelnik d o n o s i

### ODLUKU o poništenju postupka javne nabavke

#### Član 1.

Poništava se postupak javne nabavke radova na održavanju putne infrastrukture na području općine Lukavac, jer cijene svih prihvatljivih ponuda su znatno veće od osiguranih sredstava za predmetnu nabavku.

#### Član 2.

Ova odluka objavit će se na internet stranici ugovornog organa ([www.lukavac.ba](http://www.lukavac.ba)), u skladu sa članom 70.stav 6. Zakona o javnim nabavkama.

#### Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

### Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-02-1-1342/17 od 30.06.2017.godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 175.213,68 KM.

Obavještenje o nabavci broj: 719-1-3-43-3-22/17 objavljeno je na Portalu javnih nabavki dana 06.07.2017.godine.

Komisija za provođenje postupka nabavke imenovana Rješenjem broj: 02-05-1418/17 od 11.07.2017.godine dostavila je ugovornom organu-općinskom načelniku Zapisnik o pregledu i ocjeni ponuda broj: 02-05-1343/17 od 28.07.2017.godine, Preporuku o poništenju postupka nabavke, broj: 02-05-1343/17 od 28.07.2017.godine i Izvještaj o radu, broj: 02-05-1343/17 od 28.07.2017.godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike u kojima je utvrđeno slijedeće:

- da su u predmetnom postupku primljeno tri ponude;
- da su blagovremeno primljene tri ponude;
- da nije bilo neblagovremeno primljenih ponuda;



- da je ponuda ponuđača TRANSPORT I MEHANIZACIJA doo Gračanica odbačena, jer je isti na stranama 34. i 35., priložio ovjerene kopije saobraćajnih dozvola za kamione – tegljač sa sedlom, čija je dozvola važila do 20.06.2009.godine i kiper, čija je dozvola važila do 11.08.2012.godine. Zbog navedenog, a u skladu sa tačkom 13.3.1.c., a u vezi sa tačkom 13.3.2.c), Tenderske dokumentacije i članom 68. stav (1) Zakona o javnim nabavkama, komisija je ponudu ponuđača TRANSPORT I MEHANIZACIJA doo Gračanica odbacila.

- da su ponude ponuđača "BAŠANOVIĆ" doo Lukavac i "CESTOTEHNIK" doo Tuzla kvalifikovane i prihvatljive, odnosno da su dostavljeni svi traženi dokazi propisani tenderskom dokumentacijom, na propisan način.

- da je Komisija izvršila rangiranje prihvatljivih ponuda prema kriteriju za izbor ponude, i utvrdila da je najpovoljniju ponudu dao ponuđač "CESTOTEHNIK" doo Tuzla u iznosu od 409.592,00 KM bez PDV-a.

- da je nakon izvršenog otvaranja ponuda, Komisija utvrdila da ponuđene cijene znatno premašuju procijenjenu vrijednost nabavke.

- da se Komisija dana 27.07.2017.godine obratila Općinskom načelniku zahtjevom, broj: 02-05-1343/17, kojim traži saglasnost za povećanje Budžeta.

- da je na gore navedeni akt, Služba za urbanizam, prostorno planiranje i investicije, dana 31.07.2017.godine dala prijedlog da, obzirom da ne postoji mogućnost preraspodjele sredstava sa druge budžetske pozicije u okviru Službe za urbanizam, prostorno planiranje i investicije za dodatni iznos od 234.378,32 bez PDV-a, u skladu sa članom 69. stav 2. tačka e) Zakona o javnim nabavkama („Službeni glasnik BiH“, broj 39/14) postupak nabavke radova na održavanju putne infrastrukture na teritoriji općine Lukavac se poništi.

- da je imajući u vidu naprijed navedeno, a budući da su u predmetnom postupku cijene svih prihvatljivih ponuda znatno veće od osiguranih sredstava za predmetnu nabavku, Komisija za nabavku dala preporuku da se u skladu sa članom 69. stav 2. tačka e) Zakona o javnim nabavkama postupak nabavke poništi.

Ugovorni organ je prihvatio prijedlog Komisije i odlučio kao u dispozitivu ove Odluke.

Iz navedenih razloga, primjenom člana 69. stav (2) tačka d) Zakona o javnim nabavkama, člana 25., člana 70. stavovi (1), (4) i (6) Zakona o javnim nabavkama („Službeni glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015.godine, riješeno je kao u članu 1. ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

#### **Dostaviti:**

1. "BAŠANOVIĆ" d.o.o. Lukavac
2. "CESTOTEHNIK" d.o.o. Tuzla
3. "TRANSPORT I MEHANIZACIJA" d.o.o. Gračanica
4. Evidenciji;
5. Arhivi.

